

明清史料叢書

于浩◎編

續編

國家圖書館出版社

責任編輯：于浩
裝幀設計：邢毅

明清史籍系列

明清史料叢書續編

明清史料叢書八種

于浩◎編

明清史料叢書

續編

16



國家圖書館出版社

第十六冊目錄

明季十二家集 十二卷 (清)佚名輯……………一

卷七

青燐屑 (清)應廷吉撰……………一

卷八

幸存錄 (明)夏允彝撰……………七五

卷九

續幸存錄 (明)夏完淳撰……………二〇三

卷十

也是錄 (明)自非逸史撰……………二六一

卷十一

毛總戎墓誌銘 (清) 吳騫撰 二九一

卷十二

名臣節錄 (清) 佚名撰 三一九

虞陽說苑甲編 丁祖蔭輯 三四五

目錄 三四五

叙言 三四七

七峰遺編 (清) 七峰樵道人撰 三四九

海角遺編 (清) 漫遊野史撰 五〇九

海虞被兵記 (清) 佚名撰 五五九

明季十二家集卷之七

青燐屑

慈谿應喜臣著

更名廷吉字斐臣戊辰進士

思宗御極之元年五鳳樓前獲一黃袱內襲小
畫一卷題云天啟乙崇禎十七還有福王一清
晨內侍檢得即奏御前思宗因傳巡皇城各宮
究初從來時袁槐眉先生以省垣隸皇城事奏
上曰此事不經何由得至大內且臣等巡視俱
各未見而內臣特奏安知非有奸人包藏禍心

潛伏肘腋而為此耶如一追究將來必有造訛
立異驚惑聖聽者矣上可其奏立命火之

丁丑予計偕北上禮闈竣事訪斜武門外斜街
見鄉民數輩擁一白雞羽毛純白喙距俱赤云
重四十觔索價一兩觀者環堵矣莫有售者蓋
不知為何物也偶閱字彙鳥獸部鷩字註云鷩
形如雞毛色純白距喙純紅所見之國亡

癸未六月夜坐納涼忽陰雲四合雷電交作爆
光之中出火星一道聲如爆炭考之大元玉歷

曰電中聚火人君絕世

壬癸年間都下變異種々如天津撫院將臺旂竿終夜號泣撫臣具疏以聞椎牲祭之亦不輟也

鳳陽祖陵悲號震動三年不止守陵內臣大集雲水齋醮弥夕鸞鶴翔空累數千百其震號如故

五鳳樓前門拴風斷三截京師黑省見大內百怪出如此之類紀述未盡

都人士為余言癸未春京營巡捕軍夜宿棋街之西首更定時一老人喁曰今夜子時有一婦人渾身縞素綈泣而至自西向東汝切不可放過為害不淺至雞鳴則無事矣吾乃地祇靈特來救此一方民命如違吾言當得重譴至夜將半果有一婦泣訴如前云歸母家不意夫死急欲奔喪不避宵夜邏者謹如前戒堅執不允婦夜亦暫退迨漏五下邏者睡去婦折而東笑輒復旋反就邏者醒而告之曰吾乃喪門神也上

帝令我行罰災此一方汝何敢聽老人言阻我
去路汝今抗旨災首及汝言訖不見邏者大懼
奔歸告其家人言未及終仆地而死嗣後遂有
虎痘瘟西瓜瘟探頭瘟等症死亡不可勝計
甲申四月鳳陽總督馬士英總兵黃得功剿寇
內臣盧九德聞變南行北江郡縣擄掠一空
總督黃希憲聞變南行扶持獨富東省士民多
從之者

山東總兵劉澤清至淮安安東守將卽磊截其

家口輜重數日得還

番山鷄

即高傑

首將李成棟至清江浦守將張士

儀以火攻之殺獲甚衆

五月閣臣高弘圖樞臣史可法督臣馬士英內
監韓贊周盧九德科臣李沾臺臣左光先等共
擁福藩世子正位南京改元如光遣諸臣分道
安撫天下從龍定策諸臣進位有差

上命諸臣集議誰任居守誰任督師內監韓贊
周言于衆曰馬相公如才大畧堪任督師史相

公安靜寧一堪任居守士莫不樂出鎮辭曰吾
往歲擒劉超服老回回多負勤苦筋力憊矣無
能為也史老先生鎮撫皖城屢建奇績目今番
山鶴已至淮南淮安士民仰公盛德不帝明神
慈父督是師者非公而誰史公曰誠如公言毋
乃過其實耶東西南北惟君所使吾敢惜項踵
私尺寸墮軍實而長寇仇乎願受命越數日遂
進太子太保兵部尚書武英殿大學士視師淮
揚

朝議既定以史公督師淮揚蘇州吳縣廩膳生
盧渭率太學諸生抗疏爭之有秦檜在內李綱
在外宋終北轅等語詔朝野傳誦以為名言時
人方之陳東云

時劉澤清據淮安維揚士民之懼番山鷄之乞
據揚城也登陴固守堅不令入四野居民奔竄
靡寧而高傑之兵殺人無忌莫敢櫻鋒觀政士
鄭元勳恃其才之足以服衆也且認時局之線
索在手岌然出而為調人往來高營酣飲連旦

傑復以幣餌之元勳氣益揚上語于衆曰高卿
之來勅蓋召之也馬士英聘書現在即入南京
尚且聽之况揚城乎百姓未知其實聞然以元
勳與賊通賣揚城以市德遂共刃之寸骨片膚
咀嚼已盡先是士英以金幣往聘番山鷄如
光帝手詔有將軍以身許國帶礪共之等語
元勳有別墅在城東南隅水色山光互相掩映
顏曰影園壬午春日牡丹盛開得姚黃二本因
言宋錢公輔園曾得此種賞花同時之客俱登

崇階為一代名佐元勲意頗自擬刻影園集徵
名人詩歌以百什記而竟遭奇禍何也

元勲既死番山鷄大懼內叔閣部于福緣庵羅
列兵仗甲士環堵公夷然處之將及浹旬乃為
具疏以爪步城屯其士卒衆志稍安

高傑橫甚頭顱滿野聞督師來亦頗嚴憚分命
將士夤夜掘坎埋齒掩骼升帳之日傑詞色俱
變喘然若有不可測者及展見時坦衷樸質
平易近人偏裨亦各留飯茶自此將帥視為易

與矯命橫行大為跋扈之勢矣

六月朝議封黃得功為靖南伯劉澤清為東平伯劉良佐為廣昌伯高傑為興平伯是為四鎮左良玉鄭芝龍唐通等進爵有差

七月安撫浙江監察御史左光先疏薦原任徐州碭山知縣應廷吉于朝有三式之學曰精天官之微更悉臣與久處信而有徵所當授鉅責艱究其底蘊等語部覆授廷吉淮安府推官閣部具疏請之奉 旨廷吉以淮安府推官職銜閣

部軍前效用同得是旨者為劉湘客通判張鏐
紀克用等

揚州初定遂于八月督巡淮安點視劉澤清兵
馬奏以澤清駐淮安高傑駐瓜揚黃得功駐儀
真劉良佐駐壽春各有分界

是月魯藩從東充來信宿而去

唐藩從鳳陽來會于淮浦盤桓旬日唐藩以部
閣部有肆赦之恩往還簡札稱門生唐藩先以
罪廢禁錮高牆和光帝登極閣部具疏救之